

**ጳውሎሲ  
ቆሮንቶሴ አሳስ  
ፃፊዳ ናምዓንዮ ኪታ  
ጊዶ ቆፋ**

ጳውሎሲ ቆሮንቶሴ አሳስ ናምዓንዮ ኪታ ፃፊዳ ጋሶይ ቆሮንቶሴን ዲዛ ምሳ ኬሳይራ ኢዛስ ዲዛ ጋይቶቴሳይ ዳሮ ሎዎንታ ምዴ። ኢሲ ኢሲ አማኒዛ አሳቲ ዴባዛ ካዴ ቃላታ ኢዛ ቦላ ሺሺኮካ ጳውሎሲ ኢስታራ ጊጋናስ ዳሮ ኮዩዳይሳ ቤሴስ። ኢዚ ኢስታራ ጊጊኮ ኢዛስ ጊታ ኡፋይሲ ሲዩታናይሳ ቆንጨሴስ።

ባ ፃፊዳ ኮይሮ ኪታ ቦላ ጳውሎሲ ቆሮንቶሴን ዲዛ ምሳ ኬሳይራ ኢዛስ ዲዛ ጋይቶቴሳ ቆንጨሴሳን ሄ ምሳ ኬሳይን ዴንዲዳ ቦሮ ዮዎዛሲኔ ኢስታ ኡቁቴሳስ አይስ ኢዚ ሚኖ ዛሮ ኢሚዳኮኔ ኡሪሴስ። ኢዚ ሄሳራ ኢሲ ቦላ ጋሲዲ ሄ ኢዛ ሃንቆዛን አሳይ ማሮቴሳሲኔ ማቃይኖስ ጋሲዳ ጊሽ ሄሲ ኢዛስ ሲዩቲዳ ኡፋይሳ ቆንጨሴስ። ቃሴካ ዩሁዳን ዲዛ አማኒዛ አሳ ማዳናስ ኪያቴሳ ማዶ ኢማና ማላ ኢስታ ቆሬሴስ። ዉርሴሳ ሺምፖታ ቦላ ጳውሎሲ ባ ሃዋሬቴሳ ቦላ ዴንዲዳ ሞቶዛ ጊሽ ቤና ማዲዛ ማካልካያ ዛሮ ኢሜስ። ቆሮንቶሴ ምሳ ኬሳን ኢሲ ኢሲ አሳቲ ባርካ ባና ቴሙ ሃዋሬቲ ኑና ጉሳን ጳውሎሲ ኢዚ ምርዶ ሃዋሬ ጊዲ ሞቴቴስ።

ሃ ማፃፋይ አይኪዳ ኩሜሳ ቆፋ

ጌሎሶ 1: 1-11

ጳውሎሳኔ ቆሮንቶሴ ምሳ ኬሳ 1: 12-7: 16

ዩሁዳን ዲዛ አማኒዛ አሳ ማዳናስ ሚሼ ኬሶ 8: 1-9: 15

ጳውሎሲ ባሲ ሃዋሬቴሳ ጊሽ ሺሺዳ ማካልካያ ዛሮ 10: 1-13:

10

ኩሻ ቆፋ 13: 11-14

1 ምሳ ሺኔ ማላ ዩሱስ ኪርስቶሳስ ኪቴቲዳ ጳውሎሳፔኔ ኑ ኢሻ ሂምቶሳፔ ቆሮንቶሴን ዲዛ ምሳ ምሳ ኬሴይስ ቃሴካ አካያ ቢታን አማኒዛ ኩሜሳ አሳስ። \*

2 ኑ አዋ ምሳፌኔ ጎዳ ዩሱስ ኪርስቶሳፔ ኪያቴሴኔ ሳሮይ ኢንቴስ ጊዶ።

ጳውሎሲ ምሳስ ሺሺዳ ጋላታ

---

\* 1:1 ሃዋ 18: 1

3 ማሪዛ አዋሲኔ ወርሲካ ሚንጴሲዛ ኑ ጎዳ ዩሱስ ኪርስቶሳ አዋ ሰሳስ ጋላታይ ጊዶ። 4 ኑካ ኑ ባጋራ ሰሳፌ ዴሚዳ ሚኖቴሳን ሚቶቴቲዛይታ ሚንጴሳናስ ዳንዳያና ማላ ኑ ሚቶን ኢዚ ኑና ሚንጴሴስ። 5 ኪርስቶሳ ዋዬይ ኑ ቦላ ዳሪዳይሳ ማላ ኑስካ ኪርስቶሳ ባጋራ ሚንጴሶይ ዳሬስ። 6 ኑ ሚቶን ኢንቴ አቶቴሲኔ ሚኖቴሰ ዴሜታ። ኑኒ ሚቶቴሺን ቃሴ ኢንቴካ ካሴ ኤኪዳ ሚቶዛ ማላ ጌንጩ ኤኪዲ ሚኔታንዴታ። 7 ኑ ሚቶ ኢንቴ ኑናራ ሻኪ ኤኪዳ ማላ ኑናራካ ኢንቴ ሚኔታናይሳ ኑኒ ኤሪዛ ጊሽ ኑስ ኢንቴ ቦላ ዲዛ ኡፋይሲ ጊታ።

8 ታ ኢሻቶ! ኢሲያ ቢታን ኑ ቦላ ጋኪዳ ሜቶ ጊሽ ኢንቴ ኤራና ማላ ኑ ኮዮስ። ሄ ኑ ቦላ ጋኪዳ ሜቶዚ ኑ ቶካናፔ ዴያ ጊዲዳ ጊሽ ሃይቆንታ ፓፃ ዳና ጊዲ ቆፐቤኮ። \* 9 አዳፊካ ኑ ቦላ ሃይቆ ፐርዳይ ፐርዴቲዳ ሚሳቲዴስ፤ ሄሲ ወሪካ ኑ ቦላ ጋኪዳ ጋሶይ ኑኒ ሃይቆዳይታ ዴንሲዛ ሰሳን አማኔታናሳፌ አቲን ኑ ዎልቃን አማኔቶንታ ማላ ሃኒዴስ። 10 ኢዚ ኑና ሄሳ ማላ ቆፖንታ ሃይቆፔ አሺዴስ። ሃዲካ ዎዴፔካ ኢዚ ኑና አሻናይሳ ኑ አማኔቶስ። 11 ኢንቴካ ኢንቴ ዎሳን ኑና ማዲቴ። ዳሮ አሳ ዎሳን ኑስ ኢሜቲዳ ኢሞታሲኔ ኑ ጊሽ ዳሮቲ ሰሳ ጋላቴቴስ።

**ጳውሎሲ ቤያና ባና ጊዳ ቆፋ ሳሚዴስ**

12 ሂስቲኮ ኑ ጩቁቴሲ ሃይሳ ማላ። ሃ አላሜዛን ሃራፔካ ኢንቴሳራ ኑሳራ ዲዛ ጋይቶቴሳን ሰሳፌ ጊዲዳ ጌሻቴሳኒኔ ሱሬቴሳን ኑ ዴዲዳይሳ ኑ ዎዝናይ ኑስ ማርካቴስ። ሄሲካ አሳ ጩንጫቴሳን ጊዶንታ ሰሳ ኪያቴሳና። 13 ኢንቴ ናባቢዲ ኤራናስ ዳንዳዮንታ ሚሽ ኑ ኢንቴስ ፃፎኮ። ኢንቴ ወርሲካ ናባቢዲ ኤራናይሳ ኑ ኤሮስ። 14 ኢንቴ ኑናን ጩቁቲዛይሳ ማላ ኑካ ኢንቴናን ጩቁቲዛይሳ ሃዲ ወርሲ ኤሮንታ አጊኮካ ጎዳ ዩሱሲ ሲሚ ዬዛ ጋላስ ወርሲካ ኤራና።

15 ታኒ ሃይሳ ሻካ ኤሪዛ ጊሽ ናምዑቶ ኢንቴ ጎዴታና ማላ ኮይሮ ኢንቴና ቤያና ቆፓዲስ። 16 ሄሲካ ታ ካሴ ማቂዶኒያ ባሼ ኢንቴና ቤያዳ ማቂዶኒያፔካ ሲማሼ ኢንቴ አቻራ አዳዳ ታ ዩሁዳ ቢሸን ኢንቴ ታና ማዳና ማላ ቆፓዲሲኮሸን። 17 ሃይሲ ታ ቆፋይ ኢንቴስ ታ ሎዴሳ ቆፖንታ ቆፋ ሚሳቲዬ? ዎይኮ አይዛቢታስ ዶሴ ጊዲዳይሳሶ ታካ ኢሲቶ “ኤሮ ኤሮ ቃሴካ አካይ አካይ” ጊዛ ሚሳቲዬ? 18 ሰሲ አማኔቲዳ ሰሴ ጊዲዳ ማላ ኑ ኢንቴስ ዮቲዛ ቃላይካ “ኤ” ጊዲ “አካይ” ጊዛዝ ጊዴና። 19 ጋሶይካ ታና ጊዲን ዎይኮ ሲልዋኖሴኔ ጊምቶሳ ጊዲን ኑ ኢንቴስ ሳባኪዳ

\* 1:8 1ቆሮ 15:32

የሳ ና ዮሱስ ኪርስቶስ “ኤኔ አካይ” ጊዴና። ጊዶ አቲን አባ ዎዴ ኢዛን “ኤ” ገላላይ ዴስ።

20 የሳፌ ኢሜቲዳ ሂደታቲ ዉሪካ “ኤ” ጊዲዳይ ኢዛና። ኑካ ኢዛ ባጋራ የሳ ቦንቾስ “አሚን” ጊዛይ ሄሳ ጊሻሳ። 21 ሄሳ ጊሽ ኢንቴካ ኑኒካ ኪርስቶሳን ሚኒ ኤቃና ማላኔ ባ አሶስ ዶሪዳይ የሳ።

22 ኑ ኢዛይታ ጊዲዳይሳ ኤሪሳናስ ባ ማታሚ ኑ ቦላ ሾጩዳይኔ ኑ ሲንሳፌ ዴማና ሚሻስ አያና ዋሴቴስ ኑ ዎዝናን ዎሲዳይ ኢዛ።

23 ታኒ ቆሮንቶሴ ሲማዳ ኢንቴኮ ቦንታ አጊዳይ ኢንቴና ሚሺሲኬ ጋዳኮ፤ ቃሴ ሄሲ ቴሙ ጊዶንታ ዎርዶ ጊዲኮ የሲ ታ ቦላ ማርካቶ። 24 ኢንቴ አማኖን ኤቂዳ ጊሽ ኢንቴና ኡፋይሳናስ ኑ ኢንቴናራ አሳና አቲን ኢንቴ አማኖ ቦላ ኅዳታናስ ጊዴና።

## 2

1 ታ ኢንቴና ሚሺሳናስ ኮዮንታ ጊሽ ቃሴካ ኢንቴኮ ቢኬ ጋዳ ቆፋ ቃቻዲስ። 2 ታ ኢንቴና ሚሺሲዳዝ ጊዲኮካ ሚሼቲዳ ኢንቴፌ አዲ ኡፋይሲዛይ ታስ ሃራይ አኒ ዳዜ? 3 ታ ካሴ ኢንቴስ ገፊዳይ ታ ኢንቴኮ ቢዛ ዎዴ ታና ኡፋይሳናስ ቤሲዛ አሳቲ ታና ሚሺሶፔቶ ጋዳ ገፋዲስ። ጋሶይካ ታ ኡፋይቲኮ ኢንቴስ ኡባስካ ኡፋይስ ጊዳናይሳ ታ አማናይስ። 4 ታ ኢንቴስ ሄሳሶ ገፊሺን ታ ዎዝናን ዳሮ ሚሻይኔ ዳሮ ቆፋይ ኩሚ ዲሺን ዳሮ አፋንገሼ ገፋዲስ። ሄሳካ ታ አሲዳይ ታ ኢንቴና ዳሮ ሲቂዛይሳ ኢንቴ ኤራና ማላ ጋዳ አቲን ኢንቴና ሚሺሳናስ ጊዴና።

### ቆሂዳዴስ አቶ ጉስ

5 አኒካ አሴ ቆሂዳ ጊዲኮ ጉጄቾ ጊዶንታ ማላ ሄ ቆሂዳዴይ ታና ገላላ ጊዶንታ ጉሳራ ጊዲኮካ ኢንቴናካ ዉርሲ ቆሂዴስ።

6 ሄሳ ማላ አሳስ ዳሮ አሳይ ኢዛ ቦላ ዎሲዳ ቂፃቴይ ኢዛዴስ ጊዳና። 7 ሄ አዴይ ኬሂ ሙዞቲዲ ሂደታ ቃንዎንታ ማላ ኢንቴ ሄሳዴስ አቶ ኢዛ ጊዲ ሚንሴሳናስ ቤሴስ። 8 ሄሳሶካ ኢንቴ ኢዛ ሲቂዛይሳ ዛሬሲዲ ኢዛ ቤሳና ማላ ታ ኢንቴና ዎሳይስ። 9 ታ ሃይሳ ኢንቴስ ገፊዳይ ኢንቴ ኢንቴና ጋኪዛ ፓጩ ዎኒዲ አባን ኢንቴ አዛዜቲዛኮኔ ኤራናሳ። 10 ኢንቴ አቶ ጊዛዴስ ታካ አቶ ጋይስ። ቃሴ ታ ቴማፔ አቶ ጋናዚ ዲዛ ጊዲኮ ኪርስቶሳ ሲንሳን ታ አቶ ጊዛይ ኢንቴ ጊሽ ጋዳ። 11 ታ ሄሳሶ አሲዛይ ገላጌይ ጌሊዛ ዎጌ ዴሞንታ ማላ ጋዳኮ! ኑ ኢዛ ጌኔ ቆፋ ባሎኮ።

12 ታኒ ኪርስቶሳ ሚሺራቾ ቃላ ዮታናስ ጊሮግዳ ቢዳ ዎዴ ኅዳይ ታስ አሶ አጌ ዶዩዴስ። 13 ጊዶ አቲን ታኒ ታ ኢሻ ቲቶሳ ሄን ዴሞንታ አጊዳ ጊሽ ታ ዎዝናይ ሼምፖንታ ኢዲዳ ጊሽ ኢስቲ ታና ሄፔ ሞይዚን ማቂዶኒያ ዴሬ ባዲስ።

14 ጊዶ አቲን ኪርስቶሳ ባጋራ ኡባ ዎዴ ኑና ምኖ አጌን ካሌሲ ዩሺዛኔ ባ ሎዎ ኤራቴሳ ኑ ባጋራ ኡባ ሶን ቆንጨሲዛ ጎዳስ ጋላታይ ጋኮ። 15 ጋሶይካ ኑኒ ዳያናይታሲኔ አታናይታስ ጊዶን ኪርስቶሳ ባጋራ ምሳስ ሺቂዳ ሳዎ ቱኑ ጊዛ ኤፃኔ ማላ። 16 ዳያናይታስ ኑኒ ዎዲዛ ፃንቆ። አታናይታስ ቃሴ ሃይቆፕ ጌዴ ዴዎሶ ኤፊዛ ዴዎ ሳዎ። ሂስቲን ሃይሳስ ቤሲዛዴይ አኔ? 17 ኑኒ ዎዴ ዴማናስ ጊዲ ምሳ ቃላ ሻቃጫ ማላ ዋላኬሬሲዲ ባይዚዛ ዳሮ አሳታ ማላ ጊዶኮ። ጊዶ አቲን ምሳፌ ኪቴቲዳ ሱሬ አሳ ማላ ጊዲዲ ኪርስቶሳን ምሳ ሲንሳን ሱሬ ዮቶስ።

### 3

#### አራሳ ጫቆ አሳንቻታ

1 ኑኒ ሃሊ ኑርካ ኑና ዛሪዲ ጋላቲኖ? ዎይኮ ሃራ አሳታ ማላ ኢንቴስ ጊዲን ዎይኮ ኢንቴፌ ሃ ኑስ ፃፌቲዳ ጋላታ ዳብዳቤ ኮሺዜሻ? 2 ኢንቴ ቃሴ አሲ ዉሪ ኤሪዛይኔ ናባቤቲዛ ኑ ዎዝና ጋርሳን ፃፌቲዳ ዳብዳቤታ። 3 ኢንቴ ቃላጫን ፃፌቲዳይታ ጊዶንታ ዴዎ ምሳ አያናን ፃፌቲዳይታ፤ ቃሴካ ሹቻ ቦላ ዎጩቲ ፃፌቲዳይታ ጊዶንታ አሳ ዎዝናን ፃፌቲዳይታኔ ኢንቴ ኑናን ጎጌቲዳ ኪርስቶሳስ ቆንጨፍ ዳብዳቤታ። \*

4 ኪርስቶሳ ባጋራ ኑስ ምሳ ቦላ ዲዛ አማኖይ ሄሳ ሚሳቴስ። 5 ኑና ሄሳስ ጋሲዳይ ምሳፌ አቲን ኑኒ ኑ ዎልቃን አሲዶስ ጊዛ ሚሺ አሲናካ ባዎ። 6 ሄሲካ ፐዳሌን ፃፌቲዳ ዎጋን ጊዶንታ አያናን ፃፌቲዳ አራሳ ጫቆ ቃላ አሳንቻታ ኑ ጊዳና ማላ አሲዴስ። ጋሶይካ ፐዳሌን ፃፌቲዳ ዎጋይ ዎዴስ፤ አያናይ ጊዲኮ ዴዎ ኢሚስ። \*

7 ሄሳ ጊሽ ኢስራዔሌ ናይቲ ኢዛ አይፌሶን ዲዛ ቦንቾ ጋሶቴሳን ሙሴ አይፌሶ ቴሺ ሂስቲ ዩሎይ ኢስታ ምኖና ጋካናስ ሄሲ ጉዮፕ ዳያናይሲኔ ሹቻ ቦላ ፐዳሌን ዎጩቲ ፃፌቲዲ ሃይቆ አሶስ ጊዲዳይሲ ቦንቾን ቆንጨዛይሳ ጊዲኮ፤ \* 8 ሂስቲን አያና አሶስ ዋኒዲ ሄሳፌ አዲዛ ቦንቾይ ዴኔ? 9 አሲ ኢዛን ፐርዴቲዛ አሶይ ሄሳ ማላ ቦንቼቲዛይሳ ጊዲኮ አሲ ኢዛን ዩሲዛ አሶይ ሄሳፌ ኬሂ አዲዛ ቦንቾይ ኢዛስ ዋኒ ዴኔ? 10 ሃይሳፌ ካሴ ቦንቼቲዳይሲ ሃራ ኢዛፕ አዲዛ ቦንቾይ ዲዛይሳራ ጊሲሺን ቦንቾይ ባይንዳይሳ ጊዲዴስ። 11 ዱሚ ዱሚ ቢዛይሳስ ሄሳ ማላ ቦንቾይ ዲኮ ሚርናስ ሚኒ ኤቂ ዳናይሳስ ሄሳፌ ኬሂ አዲዛ ቦንቾይ ዋኒ ዴኔ?

12 ሄሳ ጊሽ ሄሳ ማላ ሂዶታይ ኑስ ዲዛ ጊሽ ኑኒ ፃላቴሳን ሃሳዮስ። 13 ኢስራዔሌ ናይቲ ሙሴ አይፌሶይ ያሊቂዛይሳ አጊ

\* 3:3 ኬሳ 24:12፤ ኤር 31:33፤ ሂዘ. 11:19፤ 36:26 \* 3:6 ኤር 31:31

\* 3:7 ኬሳ 34:29

አጊ ቢሺን ኢስቲ ወርሴሳ ቤዮንታ ማላ ኢዚ ባ አይፌሶ ጎዚዳ ሙሴ ማላ ጊዶኮ። \* 14 ጊዶ አቲን ካሴ ጋልዓ ጫቆ ቃላይ ናባቤቲሺን ሄ ዎዴ ጎሳዚ ሃች ጋካናስ ኪቾንታ ጊሽ ኢስታ ዎዝናይ ዶጪዳ ማላ ዴስ። ሄ ጎሳይ ሃዲካ ኪቼቤና። ኢዚካ ኪቻናይ ኪርስቶሳን ገላላ።

15 ሃች ጋካናሲካ ሙሴ ማግፋቲ ናባቤቲዛ ዎዴ ሄ ዎዴ ጎሳይ ሃዲካ ኢስታ ዎዝና ጎዚ አይኬስ። 16 ጊዶ አቲን ኢሳዴይ ጎዳኮ ሲሚዛ ዎዴ ጎሳዚ ቃሬቲ ኪቼስ። \* 17 ጎዳይ አያና። ጎዳ አያናይ ዲዛሶን አይሌቴሳ ዴና። 18 ኑኒካ ጎዳ ቦንቾ ማስቶቴ ማላ ያልቁቲሼ ኢዛ ሚሳታናስ ሃ ቦንቾፌ ጌዴ ሃራ ቦንቾን ላሜታና። ሄሲካ አያና ጊዲዳ ጎዳፔ።

### 4

#### ቱሙ ሃዋሬቴሳ አሶ

1 ያሳ ማሮቴሳ ዳሮፔ ዴንዲዳይሳን ሃይሲ ሃ አሶዚ ኑስ ዲዛ ጊሽ ኑኒ ሂዶታ ቃንዎኮ። 2 ጊዶ አቲን ጌማራ ሃኒዛ ዮላሲዛ ዮዎታ ኑ አጊዶስ። አስ ባሌሶኮ፤ ያሳ ቃላ ዎርዶራ ዋላኮኮ። ሄሳ ሂስታናፔ ቱሙ ዮዎታ ቆንጩራ ዮቲሼ አሲ ዉሪካ ኑ ጊዛይሳ ኤካና ማላ ኑናቴሳ ያሳ ሲንሳ ሺሾስ። 3 ኑ ሚሺራቾ ቃላይ ጎርዴቲኮካ ኢዚ ጎርዴቲዳይ ዳያናይታሳ።

4 ያሳ ሌሚሶ ጊዲዳ ኪርስቶሳ ቦንቾ ሚሺራቾ ቃላ ፖዎዛ ሃ አላሜ አሳይ ቤዮንታ ማላ ሃይሳ ሃ አላሜዛ ያሲ አማናንታ አሳ ዎዝና ሙሚሲዴስ። 5 ኑኒ ዮሱስ ኪርስቶሲ ጎዳ ጊዲዳይሳ ሳባኮስ አቲን ኑና ሳባኮኮ። ኑካ ኑ ባጋራ ዮሱሳ ጊሽ ኢንቴስ አሲዛዴንታ ጊዲዶስ። 6 ኪርስቶሳ ሲንሳን ያሲ ባ ቦንቾ ኤራቴሳ ፖዎ ኑስ ኢማናስ “ፖዎይ ዱማን ፖዎ” ጊዳ ያሲ ባ ፖዎ ኑ ዎዝናን ፖዲሲዴስ። \*

7 ጊዶ አቲን ሃይሲ ጊታ ዎልቃይ ኑስ ያሳፌ ኢሜቲዴስ አቲን ኑፔ ጊዶንታይሳ ቤሳና ማላ ሃይሲ ቦንቾ ሚሻይ ኑናን አቶ ሚሳቲዛይታ ጊዶን ዴስ። 8 አዋ ባጋራካ ኑና ሱጊኮካ ኑኒ ቲንሳ ጊ ሜቆኮ። ኑስ ዮዎይ ቲፒ ጊኮካ ሂዶታ ቃንዎኮ። 9 ኑ ጎዴቲኮካ ዎራ ዎዲ አቶኮ። ኢስቲ ኑና ሾጪ ጌንዴርሲኮካ ኑ ዳዮኮ። 10 ዮሱሳ ዴዎይ ኑ አሳቴሳን ቆንጫና ማላ ኑኒ ኢዛ ሃይቆ ኡባ ዎዴ ቶኪ ዮዮስ። 11 ዮሱሳ ዴዎይ ሃይቂዛ ኑ አሳቴሳን ቆንጫና ማላ ፓግ ዲዛ ኑኒ ኡባ ዎዴካ ዮሱሳ ጊሻስ ሃይቆስ አዲ ኢሜቶስ 12 ሄሳ ጊሽ ኑ ሃይቆስ አዲ ኢሜቲሺን ኢንቴ ቃስ ዴዎን ጋኬታ።

\* 3:13 ኬሳ 34:33 \* 3:16 ኬሳ 34:34 \* 4:6 ሜዴ 1:3

13 ካሴ ጌሻ ማግኔን ጻፌቲዳ ማላ “ታ አማኒዳ ጊሽ ሃሳዳዲስ” ጌቲቲዳይሳ ኑካ ሄሳ ሄ አማኖ አያናን አማኒዳ ጊሽ ሃሳዮስ። \*

14 ጋሶይካ ጎዳ ዩሱስ ኪርስቶሳ ሃይቆፔ ዴንሲዳይሲ ኑናካ ኢዛራ ኢሲፌ ዴንሲዳ ኢንቴናራ ባ ሲንስ ሺሻናይሳ ኑ ኤሮስ። 15 ዳሮ አሳ ጋኪሼ ዲዛ ኪያቴሴ ያሳ ቦንቾስ ጋላታ ቦላ ጋላታ ጉጃና ማላ ሃይሲ ዉሪካ ኢንቴና ጎዳናስ ሃኒዴስ።

16 ሄሳ ጊሽ ኑ ሂዶታ ቃንዎኮ፤ ኑስ ካሬ ባጋ አሳቴሳይ ዳይ ዳይ ቢኮካ ኑስ ጋሳ ባጋ አሳቴሳይ ጋላስ ጋላስ አራፂ አራፂ ባሲ። 17 ሄሳስ ሃሂ ጉሳ ዎዴስ ኑና ጋኪዛ ዎዩይ ኢዛራ ጊጋናስ ዳንዳዮንታ ማርናስ ጊዲዛ ቦንቾን ኑና ጋሳና። 18 ሄሳ ጊሽ ኑ ቲሺ ሂስቲ ዩሲዛይ ሃሂ አይፌን ቤቲዛ ሚሻ ቦላ ጊዶንታ ሃሂ አይፌን ቤቶንታ ሚሻ ቦላ ዴስ። ሃሂ ቤቲዛይሲ ኢዚ ሃሂስ ጻላላ። ሃሂ አይፌን ቤቶንታይስ ጊዲኮ ኢዚ ማርናሳ።

### 5

#### ሜርናስ ዳናሶ

1 ኑኒ ኢዛን ቢታ ቦላ ዲዛ ዱንካኔይ ላሌቲኮካ አሳ ኩሼን ጊዶንታ ያሳ ኩሼን አሴቲዳ ሜርና ኬሴ ኑስ ሳሎን ዲዛይሳ ኑ ኤሮስ። 2 ሄ ዎዴይ ጋካናስ ኑ ኬሳ ሳሎይሳ ማይዳናስ ኑ ላሞቲ ናጎስ። 3 ቱማፔ ሄሳ ኑ ማይዲዳፔ ጉዬ ካሎቶኮ። 4 ኑኒ ሃይሳ ሃ ዱንካኔዛን ዲዛ ዎዴ ኡባን ኢዚ ዴዒዛ ጊሽ ዳቡራ ፒዲ ጎስ። ሄሳስ ጋሶይካ ሃይቂዛይሲ ዴዎን ላሚታና ማላ ኑኒ ሳሎን ዳና ሶዛ ማይዳና አቲን ኑፔ ቃሬታና ማላ ኑ ኮዮኮ። 5 ሄሳስ ኑና ጊጊሲዳይ ያሳ። ቡሮ ያናይሳስ ዋሴ ጊዳና ማላ ኑስ ባ አያና ኢሚዳይ ኢዛ። 6 ኑኒ አሾን ዲዛ ዎዴ ጎዳፔ ሃኪ ዲዛይሳ ኤሪኮካ ኢዛን አማኔቲዲ ዶስ። 7 ኑኒ ዲዛ ዱሳይ ጎዳን አማኒዲ አቲን አይፌን ቤዎን ጊዴና። 8 ኑኒ አሾፔ ሻኬቲዲ ጎዳራ ዱስ ዶራናይሳ ታ ሲዶንታ ዮታይስ። 9 ሄሳ ጊሽ ኑ አሾን ዲኮ ዎይኮ አሾፔ ሻኬቲኮካ ኑስ ዋና ቆፋይ ጎዳ ኡፋይሶ። 10 ኑኒ ዉሪካ ኪርስቶሳ ፐርዳ ዎምቦራ ሲንሴ ሺቃናይሲ አቴና፤ ኑፔ ኢሶይ ኢሶይ ቢታ ቦላ ባ አሴዳ ኢታ ጊዲን ዎይኮ ሎዎ ጊዲን ባ አሶ ማላ ቤሲዛ ዋጋ ኤካና።

#### አሳ ያሳራ ማቃይኒሶ አሶ

11 ሄሳ ጊሽ ጎዳስ ባቦ ጉሲ አይ ጉሳኮኔ ኑ ኤሪዛ ጊሽ አሳይ ኑ ዮቲዛይሳ ኤሮ ጊ ኤካና ማላ አሳናስ ዳቡሮስ። ኑኒ አናንታኮኔ ያሳ አቻን ቆንጩ። ቃሴካ ኢንቴ ዎዝናንካ ቆንጩ ጊዲዳይሳ ታ አማናይስ። 12 ታ ሄሳ ጊዛይ ኑና ኢንቴ ሲንሳን ጋላታናስ ጊዶንታ ዲሺን ኢንቴ ኑናን ጩቁታና ማላ አቲን ዎዝናፔ ጊዶንታ አይፌን

\* 4:13 ማዛ 116:10

ቤተዛ ሚሻን ጩቁቲዛይታስ ኢንቴ ዛሮ ኢማናስ ዳንዳያና ማላ ጋዳ ጋይስ።

13 ኑ ጎሽ ጊዲኮ ሦሳ ጊሽ ጊዲ ጎዩዶስ። ኤራታ ጊዲኮካ ኢንቴስ ጊዲኮ! 14 ኪርስቶሲ ኡባስ ኢሲቶ ሃይቆይሳኔ ሃራይ ወሪካ ኢዛራ ኢሲፌ ሃይቂዳይሳ ኑ ኤሪዳ ጊሽ ኪርስቶሳ ሲቆይ ኑና ዎልቃራ አሲሴስ። 15 ሽምፖራ ፓፃ ዲዛይቲ ወሪካ ሄ ሃይቂዳይሳሲኔ ሃይቆፔ ዴንዲዳይሳስ ዳና ማላፔ አቲን ሃይሳፌ ጉዩ ኢስቲ ባሲ ዶንታ ማላ ኪርስቶሲ ኡባስ ሃይቂዴስ።

16 ሄሳ ጊሽ ሃይሳፌ ጉዩ ኑኒ አና አሲካ አሾ አይፌን ያሎኮ። ኑኒ ሃይሳፌ ካሴ ኪርስቶሳ አሾ አይፌን ያሊዳይ ጮ ማላ አሳ ማላ ያሎ። ጊዲኮካ ሃይሳፌ ጉዩ ሲንሳስ ጊዲኮ ሄሳሳ ያሎ። 17 ሄሳ ጊሽ አኒካ ኪርስቶሳ ባጋ ጊዲኮ ኢዚ አራሳ ሜዴቴላ። ካሴ ጩጋ ሜዴቴላይ አዲዴስ። ሄ ኢዛ ኪቾሳን ሃራ አራሳ ሜዴቴላ ጌሊዴስ። 18 ሄሲ ወሪ ሃኒዳይ ኢዚ ኑና ባናራ ኪርስቶሳ ባጋራ ማቃይንሲዲኔ ማቃይንሶ አሶ ኑስ ኢሚዳ ሦሳና። 19 ሄሲካ ሦሲ ኪርስቶሳ ባጋራ ሃንኮ አሳሜ አሳ ወርሲካ ባናራ ማቃይንሲዴስ ጉሳ። ኢስቲ ቆሆዛካ ቆዲቤና። ኑስካ ኑ አሳ ጎዳራ ማቃይንሳና ቃላ ኢሚዴስ።

20 ሦሲ ኑ ባጋራ አስ ያይጊዛ ጊሽ ኑኒ ቃሴ ኪርስቶሳ አጋላታ። ሄሳ ጊሽ “ኢንቴ ሦሳራ ማቃይኒቴ!” ጊዲ ኑ ኢንቴና ኪርስቶሳ ሱንሳን ዎሶስ። 21 ኑኒ ኪርስቶሳ ባጋራ ሦሳ ያሎቴላ ጊሹቲ ኤኪዛይታ ጊዳና ማላ ሦሲ ኢዛ ቦላ ናጋራይ ባይንዳ ኪርስቶሲ ኢዚ ኑ ናጋራ ቶካና ማላ አሊዴስ።

### 6

1 ኑኒ ሦሳራ አሊዛይታ ጊዲዳ ማላ ኢንቴ ኤኪዳ ሦሳ ኪያቴላ ጮ ማላ አሾፍቲ ጊሹ ኑ ኢንቴና ዎሶስ። 2 ሦሲ “ታኒ ታስ ጊጊዳ ጋላስ ኔና ሲያዲስ! አቲዛ ጋላስ ታ ኔና ማዳዲስ!” ጊዛ ጊሽ ሎዎ ዎዴይ ሄኮ ሃዲ! አቴላ ጋላሲካ ሃዲኮ! \*

3 ኑ አሶይ ሌቁቶንታ ማላ አይ ዎዴካ አናስካ ኑኒ ዱጴ ጊዶኮ። 4 ሄሳፌ አሊዲ ዋዩኔ ሜቶ ኡንዎካ ዳንዳያን ሦሳስ አሊዛ አሳታ ማላ አይ አጌራካ ኑናቴላ አሊ ኢሞስ። 5 ኑኒ ሦሳስ አሊዛይታ ጊዲዳይሳ ቤሲዛይ ጋራፌቴላን፣ ቃሹቴላን፣ ሂርጋን፣ ዳቡሪ አሶን፣ ዲሲኮ ዳዮኒኔ ጋፋና። \* 6 ሄሳሶካ ጊሻቴላን፣ ኤራቴላን፣ ዳንዳያን፣ ኪያቴላን፣ ያሎ አያና ካሎኒኔ ቆዴፔ ቆሞን ጊዶንታ ሲቆን፣ 7 ቴማ ቃላኒኔ ሦሳ ዎልቃና። ኑ ኢዛን ጌዴ አሊ ሦኒዛ አላ ሚሸኔ ካሜቲ አቲዛ ጎንዳሌይ ያሎቴላ። 8 ቦንቾስ ጊዲን

\* 6:2 ኢሳ 49:8 \* 6:5 ሃዋ 16:23

ዎይኮ ካወሻሽ፤ ቆጵታናስ ዎይኮ ጋላታናስ ኑኒ ጊጌቲዳይታ። ኑኒ ቱማንቻታ ሺን አሴ ባሌሲዛይታ ጌቲቲዶስ።<sup>9</sup> ኑኒ ኤሬቲዳይታ ሺን ኤሬቶንታይታ ጊዲዶስ። ኢስቲ ሃይቂዳይታኮ ጊሺን ኑኒ ፓፃ ዶስ። አሳይ ኑና ቡኪ ቡኪንካ ኑ ሃይቂቤኮ።<sup>10</sup> ሙዞይ ኑና ጋኪኮካ ኡባ ዎዴ ኡፋዬቶስ። ኑ ማንቆኮ ሺን ዳሮ ማንቆታ ዱሬ ኬሶስ። ኑስ አይኮይካ ባይንዳይታ ሺን ወረካ ኑስ ዴስ።

<sup>11</sup> ኢንቴኖ ቆሮንቶሴን ዲዛይቶ! ታ ካሴ ኢንቴስ ቆንጨን ዮታዲስ። ኑኒ ኑ ዎዝና ኢንቴና ወርሲ ቤሲዶስ።<sup>12</sup> ኢንቴ ቃሴ ኑና ኢንቴ ሲቆ ቤሳናስ ኡዜቲዴታ አቲን ኑ ኢንቴና ኑ ሲቆ ቤሳናስ ኡዜቲቤኮ።<sup>13</sup> አዋይ ባ ናስ ዮቲዛ ማላ ታካ ኢንቴስ አኔ ዮታይስ። ኑኒ ኑ ዎዝና ኬሂ ዶዬዲ ኑ ቆፋ ኢንቴስ ቆንጨሲይሳሳ ኢንቴካ ኑስ ሄሳሳ ቆንጨሲቴ።

**አማኖንታይታራ ዙፔቴስ አጎ**

<sup>14</sup> አማኖንታ አሳራ ጊጋይ ባይንዳ ኢሲፌቴሳን አይኬቶፍቴ። ሂሎቴሲኔ ናጋራይ ዋኒ ኢሲፌታናስ ዳንዳዬዜ? ፖዶይኔ ዱማይ ኢሲፌ ዋኒ ዳና ዳንዳዬዜ? <sup>15</sup> ኪርስቶሲኔ ዳቡሎሲ ዋኒ ጋጋናስ ዳንዳዬዜ? አማኒዛዴይ አማኖንታዴራ አዛን ላጌታናስ ዳንዳዬዜ? \* <sup>16</sup> ዶሳ ዎሳ ኬሳስ ኤቃታራ አዛ ጋጎይ ዲዜ? ዶሲካ

“ታኒ ታ ዱሳሶ ታ ዴሬዛ ጊዶን አሳና፤  
ታካ ኢስታራ ዳና፤

ኢስታሲካ ጎዳ ጊዳና።  
ኢስቲካ ታ ዴሬታ ጊዳና” ጊዲ ካሴ ዮቲዳ ማላ ኑኒ ኢሶይ ኢሶይ ዴዎ ዶሳ ኬሳታ። \* <sup>17</sup> ጎዳይ

“ኢንቴ ኢስታ ጊዶፌ ሻኬቲዲ ኬዜቴ!  
ቴና ሚሽ ቦቾፍቴ፤  
ታካ ኢንቴና ኤካና። \*

<sup>18</sup> ታ ኢንቴስ አዋ ጊዳና፤  
ኢንቴካ ታስ አቱማ ናይታኔ ማጫ ናይታ ጊዳንዴታ”

ጌስ ወርሲካ ዳንዳዬዛ ጎዳይ። \*

---

\* 6:15 ዳቡሎሲ ጊሪኬ ቃላራ “ቤልያል” ዎይኮ “ቤልያር” ጌቲቴስ፤ ኢብራዌታ ቃላራ “ቤልያል” ጌቲቴስ። ቢሪሸቻይ ጎዳይ ባንዳይሳ [አይፌይ ባንዳይሳ] ዎይኮ ዎጋይ ባንዳይሳ ጉሳ። \* 6:16 1ቆሮ 3:16፤ 6:19 \* 6:17 ኢሳ 52:11 \* 6:18 2ሳሜ 7:14፤ 1ታር 17:13፤ ኢሳ 43:6፤ ኤር 31:9



# 7

1 ሄሳ ጊሽ ታ ሲቆቶ! ሃይሲ ሂዶታይ ኑስ ኢሜቲዳ ጊሽ አሾኔ አያና ቱኒሲዛ አይ ሚሻፌካ አኔ ኑና ጌሾስ። ያሳስ ያሻን ኑ ጌሻቴላ አኔ ኩሜስ ሂስቶስ።

## ጳውሎሳ ኡፋይስ

2 ኢንቴ ኑና ኡፋይሳን ሞኪ ኤኪቴ። ኑኒ እናካ ቆሂቤኮ፤ እናካ ናቂቤኮ፤ እና ኅግካ ኑስ ባሌሲ ኤኪቤኮ። 3 ታኒ ሄሳሶ ጊዛይ ኢንቴ ቦላ ፐርዳናስ ጊዴና። ሃይሳፌ ካሴ ታ ኢንቴስ ፑቲዳ ማላ ኢንቴ ኑ ዎዝናን ዴታ። ሄሳ ጊሽ ሃይቆንካ ጊዲን ፓግንካ ኡባ ዎዴ ኑ ኢንቴፌ ሻኬቶቶ። 4 ታስ ኢንቴ ቦላ ዲዛ አማኖይኔ ጨቆቴሲ ዳሮ ጊታ። ታ ኢንቴናን ሚኔታይስ። ኑና ጋኪዛ ሜቶ ኡባን ታኒ ኬሃ ኡፋይታይስ።

5 ኑኒ ማቂዶኒያ ጋኪዳ ዎዴካ ዱማ ዱማ ባጋራ ሜቶይ ኑና ጋኪዴስ አቲን ኑኒ አይኮካ ሹምፓ ዴሚቤኮ። ኑስ ሶራ ሂርጋይ፣ ካሬራ ቃስ አሺ ዴስ። \* 6 ጊዶ አቲን ሙዞቲዳይታ ሚንጮሲዛ ኅዳይ ቲቶሳ ዩሳን ኑና ሚንጮሲዴስ። 7 ኑኒ ሚኔቲዳይ ኢዛ ዩሳን ፃላላ ጊዶንታ ዲሺን ኢንቴ ኢዛ ሚንጮሲዳይሳ ኑ ጉጂ ሲዩዳ ጊሻሳ። ኢንቴ ታና ላሞቲዳይሳ ታስ ቃዴቲዛይሳ ቆፐዛይሳካ ኢዚ ኑስ ፑቲን ሲያዳ ታኒ ዳሮ ኡፋይታይስ።

8 ታኒ ሃይሳፌ ካሴ ኢንቴስ ፃፊዳ ኪታይ ኢንቴና ሚሺሲዳ ጊዲኮካ ሄ ኪታ ፃፊዳ ጊሽ ታኒ ሄሳሶ አዛስ ፃፋዲና ጋዳ ሞዴቲኬ። ሞዴቲኮካ ታ ሞዴታናይ ጉላ ዎዴስ ኢንቴ ታና ሚሺሲዳ ጊሻሳ። 9 ሃሚ ጊዲኮ ታ ኡፋይታይስ። ታኒ ኡፋይቲዳ ጋሶይ ታኒ ኢንቴና ሚቺሲዳ ጊሽ ጊዶንታ ኢንቴ ሄ ሚሻፕ ዴንዲዳይሳን ማሮቴላን ጌሊዲ ላሜቲዳ ጊሻሳ። ሄሳ ጊሽ ኢንቴ ሚሹቲኮካ ያሳ ሹኔ ማላ ጊዲዳ ጊሽ ኑኒ ኢንቴና አይኮካ ቆሂቤኮ ጉሳ። 10 ያሳ ሹኔ ማላ ጊዲዳ ሚሹቴሲ ጌዴ ማሬቲ አታናሶ ጋሴስ። ሄሳስካ ሞዴቴሲ ዴና፤ ዎዝናፔ ጊዶንታ ማሬቴላ ጊዲኮ ሃይቆን ጋሴስ።

11 ሃይሲ ኢንቴ ሙዞቴላይ ያሳ ሹኔ ማላ ጊዲዳ ጊሽ ሄሲ አይ ማላ ሚኖቴላን፣ አይ ማላ አይሻ ዛሮን፣ አይ ማላ ኤሌ ሃንቆቴላን፣ አይ ማላ ያሻቴላን፣ አይ ማላ ላሞቴላን፣ አይ ማላ ሎዎ አሞን፣ አይ ማላ ሙራን ኢንቴና ጋሲዳኮኔ አኔ ኢንቴ ዎዝናን ዩሺ ቆፐቴ። ኢንቴ ቃሴ ሃኒዳ ኡባንካ ሄ ሃኖዛፔ ጊሽ ጊዲዳይሳ ማርካሲዴታ። 12 ሄሳ ጊሽ ታ ኢንቴስ ፃፊዳይሲ ኢንቴ ኑስ አይ ማላ አማኔቲዛይታኮኔ ኢንቴ ኢንቴና ያሳ ሲንሳን ቤያና ማላፔ አቲን ቆሂዳዴ ጊሺኔ ቆሄቲዳዴ ጊሽ ጋዳ ጊዴና። 13 ኑኒ

\* 7:5 2ቆሮ 2:13

ሚኒቴዳይሳፌ በላራ ቴቶሲ ደሚዳ ኡፋይሳን ዳሮ ኡፋዮቴዶስ። ኑኒ ኡፋዮቴዳይካ ኢንቴ ወሪካ ቴቶሳ ሚንፊሲዳ ጊሺኔ ኢዛ ዎዝና ሼምፒሲዳ ጊሻሳ። 14 ታኒ ኢንቴናን ጩቁቴዛይሳ ካሴ ቴቶሳስ ዮታ ዎሳዲስ። ኢንቴካ ታና ዮላሲቤይኬታ። ኡባ ዎዲ ታ ኢንቴስ ቴማ ሃላላ ዮታሼ ዳይስ። ሄሲካ ኑኒ ኢንቴ ጊሽ ቴቶሳስ ዮቴዳ ዮጆይ ቴሙ ጊዲ አማኔቴዶስ። 15 ኢንቴ ወሪካ አዛዜቴዛይታ ጊዲዳይሳ፣ ያሻቴሳኒኔ ኮኮሪሼ ኢንቴ ኢዛ ሞኪ ኤኪዳይሳ ቴቶሲ ቆፒ ኤኪዲ ኢዚ ኢንቴና ሲቁዛይሳስ ዛዎይ ባዎ። 16 ታካ ኡባ ባጋራ ኢንቴናን አማኔታናስ ዳንዳዪዳ ጊሽ ታ ዳሮ ኡፋዮታዲስ።

### 8

#### ማዶ ኢሞ

1 ታ ኢሻቶ! ያሲ ማቂዶኒያን ዲዛ አማኒዛ አሳስ ኢሚዳ ኪያቴላ ኢንቴ ኤራናይሳ ታ ኮያይስ። 2 ኢስቲ ዳሮ ሜቶቴ ዲሼ ዳሮ ኡፋዮቴዳ። ኬሂ ማንቆታ ጊዲኮካ ዳሮ ኪያቴዳ። 3 ኢስቲ ባሲ ዳንዳዮቴዛይሳ ማላኔ ባሲ ዳንዳዮቴዛይሳፌካ አሲ ኢሚዳይሳ ታ ኢስታ ጊሽ ማርካታይስ። 4 ዮሁዳን ዲዛ አማኒዛይታስ ማዶ ኢማናስ ዲጌቶንታ ማላ ኑና ኬሂ ዎሲዳ። 5 ኢስቲ ኑኒ ቆፒዳይሳፌ በላራ አሲ አሲዳ። ኢስቲ ኮይሮ ባና ጎዳስ ኢሚዳ። ዛርዲካ ያሳ ሼኔ ማላ ባናካ ኑስ ኢሚዳ። 6 ሃይሳ አሶዛ ኮይሮ ቴቶሲ ዶሚዳ ጊሽ ሃዲካ ሃይሳ ማዶ ኢሞዛ ኢዚ ፖላና ማላ ኑ ኢዛ ዎሲዶስ። 7 ኢንቴ አማናን፣ ሃሳያን፣ ኤራቴላን፣ ሚኖ አሶን፣ ኢንቴ ኑና ሲቁዛ ሲቆን፣ ኡባ ዮጆን አደታ። ሄሳሶካ ኪያቴላ አሶንካ አዲዛይታ ጊዲቴ።

8 ታ ሄሳ ጊዛይ ኢንቴና ጮ ሜላ አዛዛናስ ጊዴና። ጊዶ አቲን ሃንኮ ሃራ አሳይ ሚኒ ኢሚዛይሳ ኢንቴናራ ጋሳ ቤይሺን ኢንቴ ሲቆይ ቴሙ ጊዲዳይሳ ሻካ ኤሬናሳ። 9 ኢንቴ ኑ ጎዳ ዮሱስ ኪርስቶሳ ኪያቴላ ኤሬታ።

10 ሃይሳ ሃ ሃኖዛን ታስ ሎዎ ጊዲ ቤቴዳ ዞሬ ታ ኢንቴስ ኢማይስ። ዘላይሲ ኢንቴ ኢሞ ሃላላ ጊዶንታ ዲሺን ኢማናስ ኮይሮፔ ቆፒዳይ ኢንቴና። 11 ሄሳ ጊሽ ኢንቴ ኢማናስ ኮይዳይሲ ፖሴታና ማላ ኢንቴስ ዲዛ ማላ ካሴ ኢንቴ ቆፒዳይሳ ሃዲ አሲቴ። 12 አሲ ኢማናስ ዎዝናፔ ኮይኮ ኢዛዴይ ኪያቴላን ኢሚዛይሲ ኤኬቴዛይ አሲ ባሲ ዲዛሪ ማላ ኢሚኮ አቲን ባሲ ባይንዳይሳፌ ኢሚሺን ጊዴና።

13 ታ ሃይሳሶ ጊዛይ ኢንቴ ወሪካ ጊና ጊዳና ማላ አቲን ኢንቴ ኢሞን ዋዮቴሺን ሃራቴ ሼምፓና ማላ ጋዳ ጊዴና። 14 ኢንቴ ዋዮቴሺን ኢስታ ሚሻይ ኢንቴ ሜቶ አሻና ማላ ሃዲ ቃሴ ኢንቴ

ሚሻይ ኢስታ ሜቶ አሾ። ሄሳ ማላን ኢንቴ ጊዶን ጊናቴሲ ዳና። 15 ሄሲካ “ዳሮ ሺሺዳዴስ ዎዲቤና፤ ጉሳ ሺሺዳዴሲካ ፓጨቤና” ጌቴቲ ጌሻ ማፃፋን ፃፌቲዳ ማላ። \*

**ቲቶሳኔ ሃንኮ ኢዛ ላጌታ**

16 ታኒ ኢንቴስ ቆፒዛይሳ ማላ ቲቶሳይካ ኢንቴስ ዎዝናፕ ቆፓና ማላ አሲዳ ጎዳይ ጋላቴቶ። 17 ቲቶሲ ኢንቴኮ ቢዛይ ባርካ ባ ቆፋን ኡፋይሳንፔ አቲን ኑኒ ኢዛ ዎሲዳ ጊሽ ፃላላ ጊዴና። 18 ሚሺራቾ ቃላ አሶን ዎሳ ኬሳታን ኡባን ዶሴቲዳ ኢሻዛ ኑ ኢዛራ ጋሲ ዩዶስ። 19 ሄሳፌካ ቦላራ ሃይሲ ኑ ኢሻይ ኑኒ ሃይሳ ሎዎ አሶዛ ጎዳ ቦንቾስ አሲሺኒኔ ኑኒ አሳናስ ኮዩዛይሳ ኢዛስ ቆንጨሲሺን ኢዚ ኑናራ ቢዲ አሳናስ ዎሳ ኬሳቲ ዶሪዳዴ።

20 ሃይሳ ኪያቴሳ ኢሜቲዳ ሚሻዛ ኑኒ አይኪሺን ኑ ቦላ አይኮ ቦሮይካ ጋኮንታ ማላ ኑኒ ናጌቶስ። 21 ጋሶይካ ኑስ ዋና ቆፋይ ጎዳ ሲንሳን ፃላላ ጊዶንታ አሳ ሲንሳንካ ሎዎ አሳናሳ። \*

22 ዳሮ ዎዴ ዳሮ ሚሻን ፓጨቲዲ ሚኖ ጊዲዳ ኑ ኢሻ ቲቶሳራ ኑ ኢዛ ዩዲዳይ ሄሳሳ። ኢዛስ ኢንቴ ቦላ ዲዛ አማኖይ ዳሮ ጊታ ጊዲዳ ጊሽ ኢዚ ሃዲ ኢንቴና ማዳናስ ካሴፔ አሲ ኮዩስ። 23 ኢንቴ ቲቶሳ ጊሽ ኤራናስ ኮይኮ ኢዚ ኢንቴና ማዳናስ ታናራ አሲዛዴ። ኢዛራ ኢሲፌ ቢዛ ሃንኮ ኢሻቲ ቃሴ ዎሳ ኬሳቲ ባ ጊሽ ዩዲዳ ኪርስቶሳ ቦንቾስ ኤቁዳይታ። 24 ሄሳ ጊሽ ኢንቴ ኢስታስ ኢንቴ ሲቆ ቤሲቴ። ኢንቴ ሄሳሳ ሂስቲኮ ኢንቴ ሲቆይኔ ኑ ኢንቴናን ጨቁቲዛ ጨቁቴሳይ ጮ ሚላ ጊዶንታይሳ ኢንቴ ዎሳ ኬሳታስ ቤሳንዴታ።

**9**

**አማኒዛይታስ ሚሽ ኬሶ**

1 ዩሁዳን ዲዛ አማኒዛይታስ ኬሲዛ ሚሻ ጊሽ ታ ኢንቴስ ፃፋናስ ኮሺና። 2 ኢንቴስ አካያን ዲዛ አሳስ ማዳና ሎዎ ቆፋይ ዲዛይሳ ታ ኤራዳ “አካያ አሳይ ዚላይሳፌ አይኪዲ ማዶስ ጊጌቲዴስ” ጋዳ ማቂዶኒያ አሳስ ዮታዲስ። ሃራፔካ ኢንቴ ማዳናስ ኮይዳ ሱሬ ቆፋይ ዳሮታ ሎዎ አሶስ ዴንሴሲዴስ። 3 ሃይሳ ሃ ሃኖዛን ኑ ኢንቴናን ጨቁቲዛይሲ ጮ ሚላ ጊዶንታ ማላ ሃይታ ኑ ኢሻታ ታ ኪታዲስ። ኢንቴካ ታ ካሴ ኢንቴስ ጊዳ ማላ ናጌቲ ኡቲቴ።

4 ማቂዶኒያ አሳቲ ታናራ ኢንቴኮ ቢሺን ኢንቴ ጊጌቶንታ ዲዛይሳ ቤኮ ኑኒ ኢንቴናን ጨቁቲዛይሳን ዩላታና። ኢንቴ ቃሴ ዳሮ ዩላታና። 5 ሄሳ ጊሽ ኢንቴ ካሴ ኢማና ጊዳይሳ ካሴቲዲ

\* 8:15 ኬሳ 16:18 \* 8:21 ሌዎ 3:4

ጊጊሳና ማላ ኢንቴና ቆፊሳናስ ጋዳ ሃይቲ ኢሻቲ ታፔ ካሴቲዲ ኢንቴኮ ጋካና ማላ ኮሺዛይሲ ታስ ቤቲዴስ። ሄሳሶካ ታኒ ቢዛ ዎዴ ኢንቴ ኢማናይሲ ጊጊ ኡቲዳዝ ጊዳና። ኢንቴካ ኢማናይሲ ዎልቃራ ጊደንታ ዶሳን ጊዲዳይሳ ቤሳና።

6 “ጉሰ ዜሪዳ አሲ ጉሰ ሺሻና፤ ዳሮ ዜሪዳዴይ ቃስ ዳሮ ካሰ ሺሻና” ጊዛ ቃላ ዩሺ ቆፒቱ። 7 ያሲ ዶሲዛይ ባ ዶሳን ኢሚዛዴ ጊዲዳ ጊሽ ኢሲ ኢሲ አሲ ኢማናስ ባ ዎዝናን ቆፒዳሮ ኡፋይሳን ኢሞ አቲን ሞዴቲሼ ጮ ዎልቃራ ኢሞፎ። 8 ኡባ ዎዴ ሃኒዛ ኡባን ኢንቴ ኢንቴስ ጊዲ ፓላሂዲ ሃራ ሎዎ አሶስ ጊዳና ማላ ያሲ ኢንቴስ ባ አንጆ ጉጂ ኢማናስ ዳንዳዬስ። 9 ሄሲካ “ማንቆታስ ኪያቴሳን ኢሚዴስ፤

ኢዛ ሂሎቴሲ ሜርናስ ዴያና”  
ጌቲቲ ጌሻ ማፃፋን ፃፌቲዳ ማላ። \*

10 ዜሪዛዴስ ዜሬሳ፤ ማናስ ካሰ ኢሚዛ ጎዳይ ኢንቴ ዜሪዛ ዜሬሳ ኢዚ ኬሂ ዳርሲ ኢማና። ኢዚ ኢንቴ ኪያቴሳ አሶዛ አይፌ ኢንቴስ ዳርሳና። \* 11 ኢንቴ ኪያቴሳን ኢሞይሲ ኑ ባጋራ ኢስታ ጋኪዛ አሳቲ ያሴ ጋላታና ማላ ኢንቴ ኡባ ዎዴ ኪያቴሲ ኢማና ማላ ያሲ ኢንቴና ኡባሶራ ዱሬሳና።

12 ሃይሲ ኢንቴ ኢሚዛ ኪያቴሳ አሶይ አማኒዛይታ ሜቶ ማዶፔ ቦላራ አሳይ ያሳ ዳርሲ ጋላታና ማላ አሴስ። 13 ሃይሲ ኢንቴ ኪያቴሳ አሶዚ ኢንቴ ኪርስቶሳ ሚሺራቾ ቃላን አማኒዲ አማኒቲዳይታ ጊዲዳይሳ፤ ኢስታሲኔ ሃራታስካ ኢንቴ ኪያቴሳ ኢሚዳይሳ ኤሪሲዛዝ ጊዲዳ ጊሽ ኢስቲ ወሪካ ያሴ ጋላታና።

14 ኢስቲ ቃሴ ያሲ ኢንቴስ ኢሚዳ ጊታ ኪያቴሳ ጌዶን ኢንቴና ሲቂዛ ጊሽ ኢንቴስ ዎሳና። 15 አሳ ቃላን ቆንጫሴሳፌ ቦላ ጊዲዳ ያሳ ኢሞቴሳ ጊሽ ያሲ ጋላቴቶ።

# 10

## ጳውሎሲ ባ አሶ ጊሽ ኢሚዳ ቆፋ

1 ታ ጳውሎሲ ኢንቴናራ ዲሺን ኢዚ አሺኬ ጌቲታዲስ ሺን ታ ኢንቴፌ ሃኪሺን ቃስ ኢንቴ ቦላ ፃሊዳዴ ጌቲቲዳ ታ ጳውሎሲ ኪርስቶሳ አሽኬቴሳኒኔ ኢዛ ሎዴቴሳን ኢንቴና ዎሳይስ። 2 ታኒ ኢንቴና ዎሲዛይ ታ ኢንቴኮ ሄ ቢዛ ዎዴ ኢንቴ ታና ፃላቴሳን ሃሳዬሶንታ አጋና ማላ። ኑኒ አሾ ቆፋን ሲሜራቲዛ ማላ ኑና ፃሊዛ ኢሲ ኢሲ አሳታ ሲንሳን ታኒ ፃላቴሳን ሃሳያናስ ኮያይስ። 3 ኑኒ ዲዛይ ሃይሳ አሳሜዛ ቦላ ጊዲኮካ ኑ አሴቲዛይ ሃ አሳሜዛ አሳ አላ ማላ ጊዴና። 4 ኑ አሳ ሚሻይካ አላ ሚፃ ላላናስ ዳንዳዬዛ ያሳ

\* 9:9 ማዛ 112:9 \* 9:10 ኢሳ 55:10

ዎልቃይ ዲዛይሳ አቲን ሃይሳ አላሜዛ አላ ቶራ ጊዴና። <sup>5</sup> ሦሴ ኤሮንታ ማላ ዱጴ ጊዲ ዴንዲዛ ፓላማኔ አቶሬቴላ ኑ ላሎስ። አሳ ቆፋ ዉርሲ ዲዲ ኤኪዲ ኪርስቶሳስ አዛዜታና ማላ አሶስ። <sup>6</sup> ኢንቴ አዛዜቴላ ፖሎቴዛ ዎዴ አዛዜቶንታ አይ ሚሼካ ቃፃያናስ ኑኒ ጊጌቲ ኡቲዶስ።

<sup>7</sup> ኢንቴ ዪሊዛይ ካሬ ባጋራ ቤቲዛዚ ፃላላ። አኒካ ታኒ ኪርስቶሳስኮ ጊ አማኔቲኮ ዛሬሲ ቆፖ። ኑካ ኢዛ ማላካ ኪርስቶሳይታ ጊዲዳይሳ ኢዛዴይ ዎዝናን ዎሶ። <sup>8</sup> ጎዳይ ኑስ ኢሚዳ ማታ ጊሽ ታኒ ኢዛን ጨቁኮካ ዬላቲኬ። ሄሲ ማታይ ታስ ኢሜቲዳይ ኑኒ ኢንቴና ሚኒሳናስ አቲን ላላናስ ጊዴና።

<sup>9</sup> ታኒ ሃ ኪታን ኢንቴና ባቢሶስ አሲዛ ሚሳቶፖ። <sup>10</sup> አኔ ኤሪዛይ ኢሲ ኢሲ አሳቲ “ጳውሎሳ ኪታቲ ዴዎኔ ዎልቃማ፤ ጊዶ አቲን ኢዚ ኑ አቻን ዲዛ ዎዴ ኢዚ ላፋ፤ ኢዛ ሃሳያይካ ሌቁቲዳዛኮ!” ጊዛዚ ጊዳና። <sup>11</sup> ሄሳሶ ጊዛ አሳቲ ኑኒ ሃሆን ዲሼ ፃሬ ኪቲዳይሳሲኔ ቃስ ኢንቴናራ ዲሼ ኑ አሲዛይሳ ጊዶን አይኮ ዱማቴላ ባይንዳይሳ ሻኪ ኤሬቶ።

<sup>12</sup> ጊዲኮካ ባርካ ባና ናሺዛ ኢሲ ኢሲ አሳታራ ኑና ኑርካ ጋሲ ዪላናስ ዎይኮ ኢስታራ ኑና ጊጊሳናስ ፃሎኮ። ኢስቲ ቃሴ ባርካ ባና ባናራ ጋሲ ዪሊዛ ጊሽ ኢስቲ ዩሺ ቆፒዛይታ ጊዴቴና።

<sup>13</sup> ኑ ቃሴ ኢንቴኮ ጋካና ጋካናስ ሶሲ ኑስ ኢሚዳ አሶ ዛዋን ሲሜሬቶስ አቲን ዎጋፔ አሲ ጨቁቲዛይታ ጊዶኮ። <sup>14</sup> ኢንቴ ቃሴ ኑ አሲዛሶን ዲዛ ጊሽ ኪርስቶሳ ሚሺራቾ ቃላ ታማርሳናስ ኑ ኢንቴኮ ቢዳ ዎዴ ኑኒ ሄ ኑ ዛዋፔ አዲቤኮ። <sup>15</sup> ሄሳ ጊሽ ሶሲ ኑስ ኢሚዳ ዛዋፔ አዲዲ ሃራ አሳታ አሶን ጌሊዲ ዎጋፔ አዲ ጨቁቶኮ። ሄሳፌ ቦላራ ኢንቴ አማኖይ ዲጫና ማላኔ ኑ አሶይካ ሶሲ ኑስ ኢሚዳ ዛዋን ኢንቴ ጊዶን አካናይሳ ናጎን ዶስ።

<sup>16</sup> ሄሳ ጊሽ ኑ ሃራ አሲ አሲዛ ዛዋ አዲዲ ካሴቲዲ አሴቲዳ አሶን ጨቁቶንታ ዲሼ ኢንቴፌ ሄኒን ዲዛ ዴሬታስ ሚሺራቾ ቃላ ዮታናስ ዳንዳዮስ።

<sup>17</sup> ጊዶ አቲን ሶሳ ማፃፋይ “ጨቁቲዛ አሲ ጎዳን ጨቁቶ” ጊዴስ። \* <sup>18</sup> አሲ ጋላቴታናስ ዳንዳዩዛይ ጎዳይ ጋላቲኮ አቲን ባርካ ባና ጋላቲን ጊዴና።

# 11

## ጳውሎሳኔ ዎርዶ ሃዋሬታ

<sup>1</sup> ታ ጉላ ኤያቴላ ኢንቴ ዳንዳያና ማላ ታ ሂዶታ አሶይሳ ሃያና ዳንዳዩቴ። <sup>2</sup> ኢሲ ጌሎንታ ጌሻ ጌላዎያ ባ ጌላዮቴሳን ኢሲ አዚናስ

---

\* 10:17 ኤር 9:24

ጊጊዛ ማላ ታካ ኢንቴና ኪርስቶሳስ ጊጊሲዳ ጊሽ ታ ኢንቴ ጊሽ ሎዎ ቆፋ ቆፓይስ። <sup>3</sup> ሾሻይ ባ ጌኔራ ሄዋኖ ባሌሲዳይሳሉ ኦኔ ኤሪዛይ ኢንቴ ቆፋይካ ሞሬቲን ኪርስቶሳስ ዲዛ ሱሬኔ ጊሽ ጊዲዳ አማኔቴሳ ኢንቴና አጋጋንዴቶ ጋዳ ታ ሂርጋይስ። \* <sup>4</sup> ኢሲ አሲ ኢንቴኮ ዩዲ ኑ ካሴ ኢንቴስ ሳባኪዳይሳ ጊዶንታ ሃራ ዩሱሳ ሳባኪኮ ዎይኮ ካሴ ኤኪዳ አያና ጊዶንታ ሃራ አያና ኤኪኮ ዎይኮ ካሴ ኢንቴ ኤኪዳ ሚሺራቾ ቃላ ጊዶንታ ሃራ ሚሺራቾ ቃላ ኤኪኮ ጮ ሜላ ኢንቴ ያኔቲዴታ ጉሳ።

<sup>5</sup> ጊዲኮካ ታኒ ሃይታ ጊታ ሃዋሬታፔ አይኮንካ ጉጊዛ ታስ ሚሳቴና። <sup>6</sup> ሃሳያን ጨንጫ ጊዶንታ አጊኮካ ታስ ኤራይ ፓጨቤና። ሄሳ ኑኒ ኢንቴስ ዱማ ዱማ አጌራ ቆንጨን ኤርሲዶስ።

<sup>7</sup> ታኒ ኢንቴስ ያሳ ሚሺራቾ ቃላ ዳሞዛይ ባይንዳ ሳባኪዳይኔ ኢንቴና ዶቁ ሂስታናስ ታኒ ታና ካዉሺዳይሲ ኦኔ ኤሪዛይ ታስ ናጋራ ጊዲ ቆዴቲዴሻ? <sup>8</sup> ኢንቴስ አሳናስ ሃንኮ ዎሳ ኬሳታፔ ታኒ ማዶ ኤኪዳይሲ ኢስታፊ ሺሻ ኤካዳኮ። <sup>9</sup> ታኒ ኢንቴናራ ዲሺን ታና ሜቲን ማቂዶኒያፔ ዩዳ ኢሻቲ ታስ ኮሺዛዛን ታና ማዲዳ ጊሽ አናስካ ቶሆ ጊዳቤኬ። ሃኖ ጋካናስካ አይ ሚሻንካ ኢንቴስ ቶሆ ጊዳቤኬ። ሲንሳፊካ ታ ኢንቴስ ቶሆ ጊዲኬ። \* <sup>10</sup> ኪርስቶሳ ቱማቴሲ ታናን ዲዛ ጊሽ ታኒ ጨቁቶንታ ማላ ታና ዲጊዛይ አካያ ዴሬን ኦኒካ ባዎ። <sup>11</sup> ሄሳስ ጋሶይ አዜ? ታኒ ኢንቴና ሲቆንታ ጊሼ? ታ ኢንቴና ሲቁዛይሳ ያሲ ኤሬስ።

<sup>12</sup> ሄይቲ ዎርዶ ሃዋሬቲ “ኑካ ኢስታሉ አሶስ” ጊሼ ኢስቲ ጨቁቲዛይሳ ዲጋናስ ታ ሃሲ አሲዛይሳሉ ሲንሳፊካ አሳና። <sup>13</sup> ሄይታንታ ማላ አሳቲ ኪርስቶሳ ሃዋሬታ ሚሳታናስ ባርካ ባና ላሚዛ ዎርዳንቻ ሃዋሬታኔ ባሌሲዛ አሳንቻታ። <sup>14</sup> ሄሲካ ዳሮ ማላሊሲዛዚ ጊዴና። ዓላዔይካ ባና ፖዎ ኪታንቻ ሚሳቲሲዲ ላሚቴስ። <sup>15</sup> ሄሳ ጊሽ ሄይቲ ዓላዔ አሳንቻቲ ሃንኮ ሂሎ አሳንቻታ ሚሳታናስ ባርካ ባናቴሳ ላሚኮ አይኮካ ማላሊሴና። ዉርሴሳን ኢስቲ ባ አሶ ዋጋ ኤካና።

**ጳውሎሲ ሃዋሬቴሳ ጌዶን ቤዩዳ ዋዩ**

<sup>16</sup> አናስካ ታኒ ኤያ ጊዲዳዚ ሚሳቶፖ ጋዳ ቃሴካ ዮታዲስ። ታ ኢስታስ ኤያ ሚሳቲኮካ ጉሳ ዎዴስ ታ ጨቁታና ማላ ታና ኢንቴ ኤያ ማላ ቆዲቴ። <sup>17</sup> ታኒ ሄሳሉ ዱና ኩንሳ ሃሳዩዛይ ጎዳ ሺኔ ማላ ጊዶንታ ኤያ አሳ ማላ ጊዳዳ። <sup>18</sup> ዳሮቲ ባ አሾ ቆፋን ጨቁቲዛይሳሉ ታካ ጨቁታና። <sup>19</sup> ኢንቴ ቃስ ዩሺ ቆፐዛይታ ጊዲዳ ማላ ሃንኮ ኤያታ ኡፋይሳናስ ዳንዳዬታ። <sup>20</sup> ሄሳሳካ ኦኒካ

\* 11:3 ሜዴ 3:1-5፣13 \* 11:9 ፒሊ 4:15-18

ኢንቴና ባሲ አይሌስኮኔ አኒካ ኢንቴና ቦንቂኮ፥ አኒካ ኢንቴናን ጎጫቲኮ፥ አኒካ ኢንቴና ሌቂኮ፥ አኒካ ኢንቴስ ሻጋላን ባቂኮ ኢንቴ ዳንዳዬታ። 21 ኢዚ ታና ዬላሲዛዚ ጊዲኮካ ሃይታ ሃ ሃኖታ አላናስ ኩኒ ሚኖ ጊዶንታይሳ ታኒ ኢንቴስ ቆንጨሳይስ።

ጊዶ አቲን አኒካ ጨቄታናስ ፃሊኮ ታካ ኢዛሶ ፃላዳ ጨቄታና። ታኒ ሄሳ ጊዛይ ሃዲካ ኤያ ጊዳዳ። 22 ሄይታንቲ ኢስቲ ኢብራዌ አሳቴ? ታካ ኢብራዌኮ! ኢስቲ ኢስራዌሌ አሳቴ? ታካ ኢስራዌሌ አሳኮ! ኢስቲ ኢብራሃሜ ዜሬሳቴ? ታካ ኢብራሃሜ ዜሬሳኮ! 23 ሄይታንቲ ኪርስቶሳ አሳንቻቴ? ታኒ ቃስ ኢስታፊ ቦላሩ ኪርስቶሳስ አሳዛዬ። ታ ሄሳሶ ጊዛይ ጎሻ ማላ ጊዳዳኮ! ታኒ ኢስታፊ ዳሮ ዎዴ አሶን ዳቡራዲስ፤ ዳሮ ዎዴ ቃሼታዲስ፤ ዳሮ ዎዴ ጋራፊታዲስ፤ ዳሮ ዎዴ ሃይቆስ ጋካዲስ። \*

24 ሄሹ ታማኔ ኡዱፉን ፀርቃፊ ኢቻሹቶ አይሁዳታን ጋራፊታዲስ። \* 25 ሄሹቶ ዱርቃን ቡኪታዲስ፤ ኢሲቶ ሹቻን ጫዴታዲስ፤ ሄሹቶ ማርካቤ ጊዶን ታ ቦላ ሜቶይ ጋኪዴስ፤ ኢሲ አማርሲኔ ኢሲ ጋላስ አባ ጊዶን ጋምዓዲስ። \* 26 ታ ሃሙላ ዳሮ ጋሶን ሃላ ኪፃይኔ ዲዎይ፥ ፓንጋታፔ ሜቶይ ታና ጋኪዴስ። ታ ቆሞ አይሁዳ አሳፔኔ አይዛቤታፔ ዋዩይኔ ሜቶይ ታና ጋኪዴስ። ካታማንካ ባዞንካ አባ ቦላንካ ታና ሜቶይ ጋኪዴስ፤ ሄሳሳካ ዎርዶ አማኒዛይታፔ ሜቶይ ታና ጋኪዴስ። \* 27 ዳሮ አላ ዳቡራዲስ፤ ዳሮ ዎዴ ዲስካቤኬ፤ ጋፋኒኔ ሃላ ሳሞን ዋዩታዲስ፤ ዳሮ ዎዴ ሚዛ ካሲ ታስ ዳዩዴስ፥ ሜጎይኔ ካሎቴስ ታና ጋኪዴስ። 28 ታኒ ሃራ ሚሺ ቆፖንታ፥ ጋላስ ጋላስ ታና ቆፐሲዛይ ዎሳ ኬላታ ኡባ ጊሽ ቆፐዛ ቆፋ። 29 ኢሲ አሲ ዳቡሪሺን ታኒ ኢዛራ ዳቡሮንታ አይዴ አጋዲና? ኢሲ አሲ ናጋራን ኩንዲሺን ታ ቃሴ ኢዛ ሃንቄቶንታ አይዴ አዳ ኤራዚና?

30 ጨቄታናስ ኮሺዛዚ ጊዲኮ ታ ጨቄታናይ ታ ዳቡራንቻ ጊዲዳይሳ ታና ቤሲዛ ሚሻን ጨቄታይስ። 31 ሜርናስ ጋላቴቲዳ ጎዳ ዩሱስ ኪርስቶሳ አዋ ያሲ ታ ዎርዶቶንታይሳ ኤሬስ። 32 ታኒ ዴማስቆ ካታማን ዲሺን ካዎ አርሲዮሲዮሳፔ ጋርሳራ ዴሬ አይሲዛይሲ ታና አይካናስ ኮይዲ ሄ ካታማ ፔንጌታ ዛቤታን ናጊሲዴስ። 33 ጊዲኮካ አሳይ ታና ኬሺን ዩጊዲ ሄ ካታማ ጊንቤ ማስኮቴራ ዱጌ ዎሲ ዩዲን ኬሳ ኤካ አታዲስ።

# 12

## ጳጳሱ ቤዩዳ አጁታ

\* 11:23 ሃዎ 16:23 \* 11:24 ዛሬ 25:3 \* 11:25 ሃዎ 14:19፤ 16:22 \* 11:26 ሃዎ 9:23፤ 14:15

1 ጩቁቴላን አይኔ ኅዳይ ባይንዳ አጊኮካ ጩቁታናስ ኮሺኮ ኅዳይ ታስ ቆንጫሲ ኢሚዳይሳኒኔ ኢዚ ቤሲዳ አጁታን ታ ጩቁታና። 2 ኪርስቶሳስ ጊዲዳ ኢሳዴ ታ ኤራይስ። ሄ አዴዚ ታማኔ አይዱ ላይሳፌ ካሴ ሄቫንሶ ሳሎ ኤኬቲ ቤዴስ። (ኢዚ ኤኬቲዳይ ባ አሾራ ጊዲን ዎይኮ አሾራ ጊዶንታ አጊን ኤሪኬ ሺን ያሲ ቃሴ ኤሬስ።)

3 ጊዲኮካ ኢዚ ባ አሾዛራ ቢን ዎይኮ ሜላ ቢን ታ ኤሪኬ። ያሲ ቃሴ ኤሬስ። 4 ኢዛዴይካ ፑዴ ጋናቴ ኤኬቲዲ አሳ ቃላን ቆንጫሳናሲኔ አሲ ጋናስ ዳንዳዮንታዝ ኢዚ ሲይዴስ። 5 ታኒ ሄሳ ማላ አሳን ጩቁታይስ። ታ ሁዔስ ጊዲኮ ታ ዳቡርሳፌ ሃራ ታ ኢዛን ጩቁታና ሚሺ ታስ ዴና። 6 ሂስቲን ታኒ ቱማ ሃሳዬዛ ጊሽ ጩቁታናስ ኮዩኮካ ታ ኤያ ጊዲኬ። ጊዶ አቲን አኒካ ታ ቦላ ባ ቤዩዛዛቴኔ ታፔ ሲዩዛይሳፌ ቦላራ ቆፖንታ ማላ ጋዳ ጩቁታናፔ ናጌታይስ።

7 ሃይታ ታስ ቆንጫዳ ጊታ ሃኖታ ጋሶን ታኒ አቶሬቶንታ ማላ ታ አሳቴሰ አጉንሳ ማላ ጫዲዛ ሳኮይ ታስ ኢሜቲዴስ። ሄሲካ ዓላዔፔ ኪቴቲዲ ታና ጫቻን ዎይሲዲ ታ ጩቁቶንታ ማላ ዲጌስ። 8 ሃይሲ ታና ዎይሲዛይሲ ታፔ ኪቻና ማላ ታኒ ኅዳ ሄኩቶ ዎሳዲስ። 9 ጊዶ አቲን ኅዳይ ቃሴ “ታ ዎልቃይ ኩሜስ ጊዲ ቆንጫናይ ኔ ዳቡርሳን ጊዲዳ ጊሽ ታ ኪያቴላ ኔስ ጊዳና” ጊዴስ። ሄሳ ጊሽ ኪርስቶሳ ዎልቃይ ታ ቦላ ጊዳና ማላ አይ ዎዴፔካ ቦላራ ታኒ ዳቡርሺን ሄ ዎዴ ኡፋይሳን ጩቁታናስ ደሳይስ። 10 ታኒ ዎልቃ ዴሚዛይ ዳቡሪዛ ዎዴ ጊዲዳ ጊሽ ታ ኪርስቶሳ ጊሽ ዳቡርሺን፣ ጫዬቲሺን፣ ሜቶቲሺን፣ ኅዴቲሺን፣ ሙዞቲሺን ታና ኡፋይሴስ።

**ቆሮንቶሴ አሳ ጊሽ ጳጤሎሳ ቆፋ**

11 ታኒ ኤያ አሳ ማላ ሃሳያዲስ! ታኒ ሄሳሶ ሃሳያና ማላ አሲዳይ ኢንቴናኮ! ኢንቴ ታና ጋላታናስ ቤሴሲኮ ሺን ታ አናኮኔ ኤሬቶንታዴ ጊዲኮካ ሃንኮ ጊታ ጌቴቲዳ ሃዋሬታፔ ታኒ አዛንካ ጉዲኬ። 12 ታኒ ቱሙ ሃዋሬ ጊዲዳይሳ ኤሪሲዛ ሃኖቲ ታ ኢንቴናራ ዳሺ ዳንዳያን ፖሊዳ አሶታ። ሄይቴካ ማላታታ፣ ጊታ አራሳ ሚሺታኔ ማላሊሲዛ አሶታ። 13 ታኒ ኢንቴስ ቶሆ ጊዶንታ አጎሪፔ አቲን ሃንኮ ሃራ ዎሳ ኬሳታፔ ኢንቴና አዛን ፓጫሳዲና? ሄሲካ ዋሮ ጊዲኮ ኢንቴ ታና ማሪቴ።

14 ታኒ ሄ ኢንቴኮ ባናስ ጊጌቲሺን ሃይሲ ሄቫንሶ። ታኒ ኢንቴስ ቶሆ ጊዳናስ ኮዩኬ። ታኒ ኢንቴና ኮያይስ አቲን ኢንቴ ሚሻ ኮዩኬ። አዋቲ ናይታስ ሚሻ ሺሺቴስ አቲን ናይቲ አዋታስ ሚሻ ሺሺ ኤሬቴና። 15 ታኒ ኢንቴ ጊሽ ታናካ ታስ ዲዛዝ ዉርሳ



ኢንቴስ አላ ኢሚዳኮ ታና ዳሮ ኡፋይሴስ። ሂስቲን ታኒ ኢንቴና ሃይሳ ማላ ዳሮ ሲቁሺን ኢንቴ ቃስ ታና ዋኒ ጉሳራ ሲቁቲ?

16 አይ ጊዲኮካ ታ ኢንቴስ ቶሆ ጊዳቤኬ ሺን ኢንቴስ ታ ኢንቴና ጮ ጌኔን ባሌሳ አይኪዳዚ ሚሳቴስ። 17 ታ ኢንቴኮ ኪታ ዩዲዳ አሳታፔ ኢሳዴ ባጋራካ ኢንቴፌ ጎዔታዲና? 18 ቲቶሲ ኢንቴኮ ባና ማላ ታ ኢዛ ምሳዲስ። ሄሳ ኑ ኢሻዛካ ኢዛራ ጋላ ዩዳዲስ። ሂስቲን ቲቶሲ ኢንቴፌ አይኮ ጎዔቲዴ? ታኒኔ ኢዚ ኢንቴስ አሊዳይ ኢሲ ምዝናን ጊዴኔ? ካሴ ኑ ሃኖይ ኢሲ ማላ ጊዴኔ?

19 ኢንቴ ወሪካ ሃዲ ጋካናስ ቆፒዛይ ኑ ኢንቴ ሲንሳን ኑና አሻናስ ሃኒዛ ሚሻ ማላ ዪሌቲ? ኑኒ ኪርስቶሳን ጊዲዲ ኢንቴስ ዮቲዛይሲ ያላ ሲንሳና። ታ ሲቆቶ! ኑ ሃይሳ ወርሲ ዮቲዛይ ኢንቴና ጎግናስ ጊዲኮ! 20 ታኒ ሄ ቢዛ ምዴ ኦኔ ኤሪዛይ ኢንቴ ታ ኮይዳ ማላ ሃኖንታ አጊኮ ታካ ኢንቴ ኮዩዛ ማላ ጊዶንታ ዳሼ ጋጌታኔሻ ጋዳ ሂርጋይስ። ሄሳሳካ ኢንቴ ጊዶን አሺ፣ ቃናቴቴሊ፣ ሃንቆይ፣ ዙፔቴሊ፣ አሳ ሱንስ ኢሶይ፣ ዚጊርሲ፣ ኦቶሬቴሊኔ ካቺ ዱስ አኔና ጋዳ ሂርጋይስ። 21 ታኒ ቃሴካ ሄ ኢንቴኮ ቢሺን ኦኔ ኤሪዛይ ታ ጎዳይ ታና ኢንቴ ሲንሳን ካወሻንዴ ጋዳ ሂርጋይስ። ሃይሳፌ ካሴ ናጋራ አሊዲ ሄ አሊዳ ቴናቴሳን፣ ላይማኒኔ ጮ ሚላ ዩዳ ዱሳስ ማሮቴሳን ጌሎንታ አሳታ ጋሶን ታ ሙዞቴሳን ምዳንዲና ጋዳ ሂርጋይስ።

# 13

## ወርሴሳ ዞሬኔ ሳሮካ

1 ሂስቲኮ ታኒ ኢንቴኮ ቢሺን ሃይሲ ታስ ሄሻንሶ። አይዴካ ጊዲን ዮዶይ ሚኒዛይ ናምዑ ማርካን ምይኮ ሄዙ ማርካና። \*

2 ኢንቴና ቤያናስ ታ ናምዳንሶ ባይሳን ታ ኢንቴናራ ዳሼ ኢንቴ ናጌታና ማላ ታ ኢንቴስ ሚንሳ ዮታዲስኮሺን፤ ሃዲካ ቃሴ ሃሆን ዳዳ ሃይሳፌ ካሴ ናጋራ አሊዳይታሲኔ ሃንኮይታስ ሚንሳ ዮታይስ። ሃዲ ታ ኢንቴኮ ሄ ሲማ ቢኮ ኢስታፌ አናስካ ሚሼቲኬ። 3 ሄሲካ ቃሴ ታናን ጊዲዲ ኢንቴስ ዮቲዛይ ኪርስቶሳ ጊዲዳይሳ ኢንቴ ሻኪ ኤራናስ ኮዩዛይሳ ቤሴስ። ኢንቴ አቻን ዲዛ ኪርስቶሲ ምልቃማ አቲን ላፋ ጊዴና። 4 ኢዚ ማስቃሌ ባላ ካቆቲዲ ዳቡራን ሃይቆኮካ ሃዲ ቃስ ያላ ምልቃን ፓፃ ዴስ። ኑካ ኢዛራ ላፋታ ጊዲኮካ ኢንቴ ጊሽ ጊዲ ያላ ምልቃን ሚኒ ዶስ።

5 ኢንቴ አማኖን ሚኒ ዲዛኮኔ ኤራናስ አኔ ኢንቴርካ ኢንቴና ፓጪ ዪሊቴ። ዩሱስ ኪርስቶሲ ኢንቴናን ዲዛይሳ ሻኪ

\* 13:1 ዛሬ 17:6፣ 19:15

ኤሪቤይኬቲ? ሄሳሶ ሃኖንታ አጊኮ ኢንቴ ፓጩን ኩንዲዴታ ጉሳ። 6 ኩኒ ፓጩን ኩንዲንታይሳ ኢንቴ ሻኪ ኤሪና ጋዳ ሂዶታ አሳይሰ። 7 ኢንቴ ኢታ ሚሺ አሶንታ ማላ ኩኒ ያሴ ዎሶሰ። ኩኒ ዎሲዛይካ ኩ አይኮካ ዳንዳይዛይታ ጊዶንታ አጊኮካ ኢንቴ ኡባ ዎዴ ሎዎ አሶ አሳናፔ አቲን ኩ ጎባቴሲ ኢንቴና ቤሳናስ ጊዴና። 8 ኩኒ ቴማቴሳስ አሶስ አቲን ቴማፔ ካሬራ አይኮካ አሳና ዳንዳዮኮ። 9 ኩኒ ዳቡራንቻታ ጊዲን ኢንቴ ቃስ ሚኖታ ጊዲሺን ኩና ኡፋይሴስ። ኩ ዎሳይ ኢንቴ ቦላ ዎሶይ ባይንዳይታ ጊዳና ማላሳ። 10 ታኒ ሃይሳ ኢንቴስ ዩዲዛ ኪታዛ ኢንቴፌ ሃካ ዳሼ ዓፊዳይ ሄሳ ጊሻሳ። ሄሳ ማላን ታ ኢንቴኮ ቢዛ ዎዴ ታስ ጎዳይ ኢሚዳ አዋቴሳን ታ ኢንቴና ዋይሲኬ። ጎዳይ ታስ አዋቴሳ ኢሚዳይ ኢንቴና ሚንሳናስ አቲን ላሳናስ ጊዴና።

11 አኔ ሃዲ ታ ኢሻቶ! ሳሮ ዲቴ፤ ኢንቴ ዱሳ ሎዴሲቴ፤ ታ ኢንቴና ዞሮይሳ ካሊቴ፤ አሳይ ኢሶይ ኢሳራ ሲጌቲቴ። ሳሮን ዲቴ፤ ሲቆኔ ሳሮ ጎዳይ ኢንቴናራ ጊዳና። 12 ሲቆ ዩሬቴሳ ዩሬቲዲ ኢሶይ ኢሳራ ሳሮኬቲቴ።

13 አማኒዛ አሳይ ዉሪካ ኢንቴና ሳሮ ጌስ። 14 ጎዳ ዩሱስ ኪርስቶስ ኪያቴሲ፣ ያሳ ሲቆይኔ ዓሎ አያና ኢሲፌቴሳ ኢንቴናራ ኡባታራ ጊዶ።

**አራሳ ጫቆ ማገፋ ጋሞላ**

**New Testament in Gamo (ET:gmv:Gamo)**

copyright © 2011 Wycliffe Bible Translators, Inc.

Language: Gamo

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gamo

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 22 Sep 2022 from source files  
dated 29 Jan 2022  
dffa0cbb-5f77-5875-bf95-f4176677af45